

**ART. 2-
Finalidadi**

1. *Su Comunu promovit su irvilupu e sa creschida civili, sociali e econòmicu de sa comunidadi de Pula cunformu a is idealis e is tentas de sa Costitutzioni.*
2. *Su Comunu circat s'agiudu torrau de is àterus sogetus pùblicus e privaus e promovit sa partecipazioni de is tzitadinus, de is associus, e de is fortzas socialis e econòmicas a is fainas aministrativas.*
3. *Su Comunu promovit e amparat s'assètiu abilantzau de su territòriu e cuncurrit, impari cun is àteras istituzionis natzionalis e internatzionalis, a s'amparu cosa sua, assigurendi, in su chi pertocat su impreu de is risorsas, unu impreu chi potzat essi apoderau e chi potzat essi echilibrau, s'amparu de sa saludi de is tzitadinus; su Comunu est in acòrdiu cun su chi narat sa Carta de Alboorg.*
4. *Patacuàriu su Comunu tenit fundamentu cosa sua me is principius chi s'ghint:*
 - a) bogai totu is strobis chi si tressant a su irvilupu de sa personi e a su essi paris s'uno cun s'àteru;*
 - b) arrespetu e amparu de is diversidadis ètnicas, linguisticas, culturalis, religiosas e politicas, fintzas movendi a favori de is valoris e de sa cultura de sa tolleràntzia;*
 - c) recuperu, amparu e avaloramentu de s'azienda naturali, ambientali, stòrica, architetonicu, culturali e de su connotu;*
 - d) amparu de sa personi modellau a sa solidariedadi sociali, cun s'agiudu de is assòtzius de voluntariau e aintru de unu ordinamentu de seguresa sociali;*
 - e) amparu de sa vida, de sa personi e de sa familia, avaloramentu sociali de is mamas e de is babus, assigurendi s'apògiu a sa responsabilidadi de ambadus in sa cura e in s'educatzioni de is fillus, fintzas po mèdiu de is servitzius socialis e educativus; garantzia de su diritu a su stùdiu e a sa formatzioni culturali e professionali;*
 - f) superai dònna partzialidadi intru de òmini e fèmina po mèdiu de sa promòvida de ideas chi assigurint is pròpiu possibilidadi po ambadùs;*
 - g) promòvida de is atividadi culturalis, sportivas e de su sprèviu, donendi acontu a is formas de socializazioni de is giòvunus e de is mannus;*
 - h) avaloramentu de sa crèschida econòmica e sociali de sa comunidadi, promovendi sa partecipazioni de is imprenditoris privaus a sa lòmpera de su beni comunu, fintzas po mèdiu de agiudus a is assòtzius chi impunnant a binci is diferèntzas econòmicas, socialis e de su territòriu;*
 - i) promovì atzionis po su bonu proi de is emigraus de Pula, pesendindi una "Consulta Comunale per l'Emigrazione", nominada de su Consillu Comunali, chi at a essi portata ainnantis e cundullia paris de is Assessoris a sa Cultura e su Turismu.*
 - j) su de arreconnosci in sa paxi unu diritu de fundamentu po is Pòpulus, sa tarea de fai cresci sa cultura de sa paxi e de sa cooperazioni, a favori de sa acòrdiu intru de tzitadinus de sa comunidadi de Pula e tzitadinus de àteras Natzionalidadi e popolatzionis.*